

PREPORUKE ZA POBOLJŠANJE SISTEMA BESPLATNE PRAVNE POMOĆI

PREPORUKE:

1. Formalizovati suradnju između organizacija civilnog društva koje pružaju usluge besplatne pravne pomoći i vladinih pružatelja besplatne pravne pomoći u Kantonu Sarajevo, radi poduzimanja zajedničkih aktivnosti u cilju jačanja sistema besplatne pravne pomoći i osiguravanja međusobne kontinuirane komunikacije i koordinacije u radu.
2. Izraditi analizu potreba korisnika u cilju identificiranja specifičnih potreba građana i time stvoriti uslove za efikasnije kreiranje politika djelovanja u ovoj oblasti.
3. Izraditi plan i program prioritarnog pružanja usluga besplatne pravne pomoći identifikovanim najugroženijim marginalizovanim grupama građana kao što su žene žrtve rata, žrtve nasilja u porodici, samohrani roditelji, žene u ekstremnom siromaštvu.
4. Pružatelji besplatne pravne pomoći bi trebali na bazi zajedničke suradnje razviti jedinstven program aktivnosti radi iniciranja usvajanja Zakona o besplatnoj pravnoj pomoći Bosne i Hercegovine u cilju kreiranja pravednog sistema besplatne pravne pomoći u skladu sa evropskim standardima i praksom.
5. Pružatelji besplatne pravne pomoći u Kantonu Sarajevo trebaju unaprijediti referalni sistem upućivanja korisnika na odgovarajućeg pružatelja zasnovan na specifičnim i realnim potrebama korisnika kako bi referalni sistem bio održiv i funkcionalan.
6. Izraditi analizu Zakona o sudskim taksama radi identifikovanja različitog normiranja propisanih taksi na različitim nivoima vlasti u cilju iniciranja ujednačavanja iznosa taksi i omogućavanja jednakog pristupa pravosuđu za sve građane u Bosni i Hercegovini.
7. Potrebno je kreirati program aktivnosti u cilju stvaranja inicijative za prepoznavanje djelatnosti besplatne pravne pomoći od javnog interesa za Kanton Sarajevo.
8. Potrebno je učiniti napore na razvoju pravednijeg odnosa prema organizacijama civilnog društva koje pružaju usluge besplatne pravne pomoći u smislu osiguravanja materijalnih i finansijskih resursa potrebnih za obavljanje djelatnosti besplatne pravne pomoći iz budžeta Kantona Sarajevo.
9. Osigurati uključivanje organizacija civilnog društva koje pružaju usluge besplatne pravne pomoći u program stručnih obuka i edukacija radi profesionalnog usavršavanja predviđenih za vladine pružatelje besplatne pravne pomoći.
10. Učiniti napore na jačanju svijesti javnosti u oblasti pružanja besplatne pravne pomoći te informisanja građana o sistemu besplatne pravne pomoći i njihovim pravima ali i razlikama u vezi sa ostvarivanjem prava na besplatnu pravnu pomoć na teritoriji Bosne i Hercegovine.